

Թեստ 1

1-12-րդ առաջադրանքները կարող են ունենալ ճիշտ պատասխանի մեկ կամ մի քանի տարբերակ

1. Ը ձայնավորի հնչյունավորություն կա

- 1) մթնկա
- 2) կապտուկ

- 3) նկարչություն
- 4) թանձրություն

բառում:

2. Բոլոր բառերի բաց թողած տեղերում միևնույն տառը գրվող շարքն է (փակագծերում նշվածներից որևէ մեկը)

- 1) վար...ապետ, ար...ար, գվար... (դ կամ թ)
- 2) երկնամու..., կո...պեք, մա...թանք (դ կամ խ)
- 3) ոսկ...ագ, տար...երջ, հոգ...իճակ (և կամ եվ)
- 4) ա...վակ, ա...տույտ, ագ...ավ (ր կամ ռ)

3. Բոլոր բառերի բաղադրիչները գծիկով գրվող շարքն է՝

- 1) դեղնա (կարմիր), քաղաքից (քաղաք), հագած (կապած)
- 2) մանր (մունր), զուգել (զարդարել), դեմ (դիմաց)
- 3) լռիկ (մնջիկ), հայ (ֆրանսիական), թև (թևի)
- 4) ռուս (ճապոնական), հինգ (վեց), ցուցահանդես (վաճառք)

4. Դարձվածք կա

- 1) Դավիթն էլ ահա, սարի գագաթին
Կանգնած, գոռում է վիշապի նման:
- 2) Թե մոռացար քո բարբառը,
Քո մայրենին քոնը չէ...
- 3) Նրա ժպիտը մեղմ էր ու դողդոջ,
Որպես լուսնյակի ժպիտը տխուր...
- 4) Մեր բաժին Աստված, քո սիրտն էլ քար էր,
Որ մեզ քարերը տվիր նվեր...

հատվածում:

5. Բարդ բառերի շարքն է՝

- 1) մայրաքաղաք, երկաթուղի, ուղեբեռ
- 2) տարեվերջ, երգչախումբ, հողակտոր

- 3) շքեղագարդ, պարընկեր, լուսամկովի
- 4) սրտաբաց, հուշարձան, գերխնդիր

6. Հականիշ բառազույգերի շարքն է՝

- 1) սքողված-անթաքույց, ընդդեմ-հակառակ
- 2) ջրարբի-անջրդի, բիրտ-դաժան

- 3) բերկրալից-թախծոտ, եղեմ-դրախտ
- 4) հնարամիտ-անձար, բեղուն-անպտուղ

7. Շարքի բոլոր բառերը ենթարկվում են ու հոլովման՝

- 1) մատանի, խոսել, կաղին
- 2) բարդի, ամուսին, տատ

- 3) հայելի, կիրակի, բանալի
- 4) մարդ, պատմել, գետաձի

8. Դերանուն կա

- 1) Մռայլ գիշերն է լռում,
Թախիծով լի և անհույս...
- 2) Հոգիս արթնացավ հարավի բույրից...

- 3) Տիեզերքի պերճ հյուսվածքն են,
Իմ մեջ երկինքն է երգում...
- 4) Անզղջալի առաջ գնա, ինչ-որ լինի, թող լինի...

հատվածում:

9. Ա խոնարհման բայերի շարքն է՝

- | | |
|------------------------------------|---------------------------------|
| 1) գնացին, խաղում էր, առավ | 3) թեյեցին, զղջալու են, մեծացավ |
| 2) կարդացե՛ք, զարգացել է, զայրացավ | 4) դողացող, հագավ, սկսած |

10. Վառել էին բոլոր ճրագները, և կամարների տակ դեռ մուր էր, նույնիսկ թվում էր, թե

նախադասության քերականական և տրամաբանական շարունակության տարբերակն է՝

- 1) լուսավոր էր եկեղեցու բեմը:
- 2) մեկը լուցկի վառեց՝ քարե աստիճաններ լուսավորելու:
- 3) արդեն այգաբաց է:
- 4) ճրագների լույսից ավելի էր թանձրանում խավարը:

11. Անձնավորում պարունակող հատվածն է՝

- 1) Մանուկ էի՝ ամեն ինչին անգիտակ,
Մի հասկն ի՞նչ էր, տորրեցի ու անցա:
- 2) Հայրս տեսավ, մտերմորեն նախատեց.
«Հացն ափսոս է, չեն տորրի ու անցնի...»
- 3) Ծնվում ենք ակամա, ապրում ենք զարմացած, մեռնում ենք կարոտով:
- 4) Երբ Հայաստան են ասում,
Քարն արթնանում է քնից:

12. Կետադրական սխալ կա

- 1) Տեսնելով, որ եղանակը ցուրտ է, նա որոշեց մնալ տանը:
- 2) Արմենը զարմացավ՝ այդ քաղաքում հանդիպելով հին ընկերոջը ու սկսեց մանրամասն հարցուփորձ անել:
- 3) Թվում է նժույզը հպարտ էր, որ մեջքին կրում է հայոց աշխարհի պարծանքին՝ Ղավիթ - Բեկին:
- 4) Իբրև կին՝ նա ազնվական էր այս բառի խոր իմաստով, որպես իշխանուհի՝ փառատենչ, մեծամիտ:

նախադասության մեջ:

13-16-րդ առաջադրանքներում գրի՛ր պատասխանը

13. Նախադասությունները դասավորի՛ր տրամաբանական հաջորդականությամբ:

Գրի՛ր միայն նախադասությունների համարները:

1. Տաք երեկոներին մինչև իսկ բացօթյա քնում էի տատիս նվիրած թաղիքի վրա:
2. Այդ պատճառով էլ ամբողջ ամառ ես այգում էի անցկացնում, բացի, իհարկե, անձրևոտ օրերից:
3. Երբեմն տատս էլ էր քնում այգում. մի խուրձ խոտ էր բերում, փռում իմ օթևանի մոտ, պառկում ու երկար-բարակ որևէ բան էր պատմում:
4. Ես սիրում եմ մոտ գտնվել բնությանը, իսկ հնարավորության դեպքում փորձում եմ շատ վայելել նրա պարզևած հաճելի անդորրությունը, առինքնող այն ակնթարթները, որոնք հոգիդ լցնում են յուրօրինակ խաղաղությամբ:

Պատասխան _____

14. Գտի՛ր նախադասության մեջ թույլ տրված բառագործածության սխալը և ուղղի՛ր:

Տղամարդը, դողդոջյուն ձեռքերը կրծքին, ակնդետ նայում էր ականակիր խավարին:

Պատասխան՝ սխալ է _____
այնտք է լինի _____

15. Գտի՛ր նախադասության մեջ թույլ տրված քերականական սխալը և ուղղի՛ր:

Ամեն համայնք և ընտանիք պետք է մտածեն իրենց բնակավայրի, հայրենիքի բարգավաճման մասին:

Պատասխան՝ սխալ է _____
պետք է լինի _____

16. Տրված բառերը տեղադրի՛ր բաց թողնված տեղերում՝ ենթարկելով համապատասխան փոփոխությունների:

Ես Արաքսի , իսկ քիչ հեռվում ուղիղ դիմաց, Արարատն է՝ մեր
մեծ որբն ու տարագիրը:

(1. ես, 2. պատմություն, 3. թափառել, 4. ափ)

Պատասխան՝ 1.----- 2.-----
3.----- 4.-----

17-32-րդ առաջադրանքները կատարի՛ր ըստ տեքստի

Կարդա՛ տեքստը և կատարի՛ր առաջադրանքները:

I

1. Վայրագ հրոսակախմբերի հանկարծակի հարձակումներից զգուշանալու համար ժողովուրդը լեռան բարձունքին հինավուրց վանքում, կախում է մի հսկա զանգ: 2. Այն իր աշխարհասփյուռ ղողանջը տարածում էր հեռու-հեռու, և անդնդախոր կիրճերն ու երկնամուխ լեռները, նրա ղողանջույունը արծազանքելով, մարդկանց վաղօրոք տեղեկացնում էին մոտալուտ վտանգի մասին ու ոտքի հանում:
3. Արյունառու լեռնկթեմուրը, մահ ու սարսափ սփռելով, հափշտակելով ու գերեվարելով գալիս հասնում է Արաքսի՝ երփնավառ բուսականությամբ հարուստ կանաչագարդ ափը և հարթ դաշտավայրում բանակ զարկում: 4. Հաջորդ օրը արնածարավ բռնակալի զորքը պիտի անցներ փրփրառատ գետն ու արշավեր շեն ու հարուստ գյուղերի վրա:
5. Նույն օրը՝ աշխարհավեր ավարառուի վրանն է մտնում հայրենադավ մի իշխան (ավա՛ղ, ազգուրացներ միշտ էլ եղել են)՝ նրան ծառայելու պատրաստակամությամբ: 6. Երբ անարգ դավաճանը հայտնում է ժողովրդին միավորող փրկարար զանգի գաղտնիքը, լեռնկթեմուրը խորաքնին նայում է ընչաքաղց ու ծախու մատնիչին, ապա ամբարտավան կեցվածքով բարբառում.
- Գնա այրի՛ր զանգը, այնպես արա՛՛ այլևս երբեք չլսվի նրա ղողանջը: 7. Շատ ոսկի ու արծաթ կստանաս:

II

1. Եվ հոգին ծախած մարդը իր համախոհների հետ մթնկա գիշերով զանգի տակ մեծ խարույկ է անում:
2. Կրակի հսկայական բոցերը կլանում են զանգը՝ իսպառ կտրելով նրա զրնգուն ձայնը:
3. Վանքի վանահայրը՝ սպիտակամորուս մի ծերունի, հապճեպ բարձրանում է զանգակատուն և փութկոտ շարժումներով քաշում պողպատե զանգի ճոպանը. կոչնակը լուռ էր:
4. Թշնամու հանկարծակի գրոհից խուճապահար՝ մարդիկ զարմացած հարցնում են իրար.
--- Ջանգն ու՞ր է, զանգն ու՞ր է...
5. Ո՛հ իբրև պատասխան՝ լեռներն արծազանքում էին զանգը գու՛ր է, զանգը գու՛ր է :
6. Անունն այդտեղից էլ մնաց Ջանգեգուր:

17-20-րդ առաջադրանքներում գրի՛ր պատասխանը

17. II հատվածից դու՛րս գրիր մեկ բաղադրյալ ստորոգյալ:

Պատասխան _____

18. I հատվածից դու՛րս գրիր կրկնավոր բարդությունը:

Պատասխան _____

19. I հատվածից դու՛րս գրիր մեկ անհոդակապ բարդ բառ:

Պատասխան _____

20. I, 2 նախադասությունից դու՛րս գրիր ժամանակի մակբայը:

Պատասխան _____

21-25-րդ առաջադրանքները կարող են ունենալ ճիշտ պատասխանի մեկ կամ մի քանի տարբերակ

21. Հարաբերական ածական է՝

- | | |
|------------|---------|
| 1) հարուստ | 3) հարթ |
| 2) պողպատե | 4) մեծ |

22. I, 5 նախադասության մեջ *չկա*

- | | |
|-------------|----------------|
| 1) անձնական | 3) ցուցական |
| 2) անորոշ | 4) հարաբերական |
- դերանուն:

23. I հատվածում հրամանական եղանակի բայ պարունակող նախադասություն է՝

- | | |
|------|------|
| 1) 3 | 3) 5 |
| 2) 4 | 4) 6 |

24. Լենկթեմուրի մասին բնորոշումներից ո՞րը *չի* գործածվել տեքստում:

- | | |
|-----------------|--------------|
| 1) աշխարհավեր | 3) ընչաքաղց |
| 2) արյունառուշտ | 4) արնածարավ |

25. II հատվածում հարակատար դերբայ պարունակող նախադասություն է՝

- | | |
|------|------|
| 1) 2 | 3) 4 |
| 2) 3 | 4) 5 |

26-29-րդ առաջադրանքներում գրի՛ր պատասխանը

26. Գրի՛ր I հատվածից այն բարդ նախադասության համարը, որը կապակցվել է դերանունով:

Պատասխան _____

27. I հատվածից դու՛րս գրիր մեկ անկանոն բայ:

Պատասխան _____

28. Գրի՛ր I հատվածի այն նախադասության համարը, որում հարկադրական եղանակի բայ կա:

Պատասխան _____

29. II. 3 նախադասությունը քանի՞ բաղադրիչ պարզ նախադասությունից է բաղկացած:

Պատասխան _____

30-32-րդ առարադրանքները կարող են ունենալ ճիշտ պատասխանի մեկ կամ մի քանի տարբերակ

30. Երկինջյունի սղում կա

- 1) I. 2
- 2) II. 1

- 3) II. 3
- 4) I. 4

նախադասության մեջ:

31. Եվ հոգին ծախած մարդը իր համախոհների հետ մթնկա գիշերով զանգի տակ մեծ խարույկ է անում

նախադասության անդամներից որի՞ ձևաբանական վերլուծության մեջ սխալ կա:

- 1) մարդը – հասարակ գոյական
- 2) ծախած - ածական
- 3) անում է - բայ, սահմանական եղանակ
- 4) խարույկ - գոյական, անորոշ առում

32. Կրակի հսկայական բոցերը կլանում են գանգր՝ իսպառ կտրելով նրա զրնգուն ձայնը

նախադասության մեջ ընդգծված բառի կատարած պաշտոնն է՝

- 1) ենթակա
- 2) հանգման անուղղակի խնդիր
- 3) ուղիղ խնդիր
- 4) միջոցի անուղղակի խնդիր